



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿՐԹՈՒԹՅԱՆ, ԳԻՏՈՒԹՅԱՆ, ՄՇԱԿՈՒՅԹԻ
ԵՎ ՍՊՈՐՏԻ ՆԱԽԱՐԱՐ

ՀՐԱՄԱՆ

№ 71-Ա/2

«25» հունվարի 2022 թ.

«ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՎԱՐՉԱՊԵՏԻ ԳԱՎԱԹ» ՍԻՐՈՂԱԿԱՆ
ՍԵՂԱՆԻ ԹԵՆԻՍԻ ՄՐՅԱՇԱՐԻ ԿԱՆՈՆԱԿԱՐԳԸ ԵՎ
ՄԱՍՆԱԿՑՈՒԹՅԱՆ ՀԱՅՏԸ ՀԱՍՏԱՏԵԼՈՒ ՄԱՍԻՆ

Համաձայն «Ֆիզիկական կուլտուրայի և սպորտի մասին» Հայաստանի
Հանրապետության օրենքի 9-րդ հոդվածի «ա» և «գ» կետերի՝

ՀՐԱՄԱՅՈՒՄ ԵՄ

1. Հաստատել՝

1) «Հայաստանի Հանրապետության վարչապետի գավաթ» սիրողական սեղանի
թենիսի մրցաշարի կանոնակարգը՝ համաձայն N° 1 հավելվածի,

2) «Հայաստանի Հանրապետության վարչապետի գավաթ» սիրողական սեղանի
թենիսի մրցաշարի մասնակցության հայտը՝ համաձայն N° 2 հավելվածի:

ՎԱՀՐԱՄ ԴՈՒՄԱՆՅԱՆ

Восстановимая подпись

X

ՎԱՀՐԱՄ ԴՈՒՄԱՆՅԱՆ

Подписано: DUMANYAN VAHRAM 1909620211

ԿԱՆՈՆԱԿԱՐԳ

«Հայաստանի Հանրապետության Վարչապետի գավաթ» սիրողական սեղանի թենիսի մրցաշար

I. ՆՊԱՏԱԿԸ ԵՎ ԽՆԴԻՐՆԵՐԸ

1. 2022 թվականին անցկացվող սիրողական սեղանի թենիսի մրցաշարի (այսուհետ՝ Մրցաշար) նպատակն է.

1) մասսայականացնել սեղանի թենիսը Հայաստանի Հանրապետությունում,

2) վերականգնել երբեմնի սիրված մարզաձևի ավանդույթները,

3) բնակչության տարբեր տարիքային խմբերի առօրյայում ֆիզիկական վարժություններով մշտապես զբաղվելու, առողջ կենսակերպի գաղափարի արմատավորումը:

2. Խնդիրներն են՝

1) զանգվածային սպորտի և ակտիվ կենսակերպի վերաբերյալ ոչ բավարար քարոզչությունը,

2) սեղանի թենիսի կանոնավոր պարապմունքներին բնակչության (միջին և բարձր տարիքի անձանց) ոչ բավարար ներգրավվածությունը, առողջ ապրելակերպ չվարելը:

II. ԿԱԶՄԱԿԵՐՊՈՒՄՆ ՈՒ ԱՆՑԿԱՑՈՒՄԸ

3. Մրցաշարի նախապատրաստման և անցկացման աշխատանքները համակարգում է Հայաստանի Հանրապետության կրթության, գիտության, մշակույթի և սպորտի նախարարությունը (այսուհետ՝ Նախարարություն):

4. Մրցաշարի կազմակերպումն ու անցկացումը իրականացվում է Նախարարության կողմից հաստատված հանձնաժողովի և մրցավարական հանձնաժողովի կողմից՝ համագործակցելով Հայաստանի սեղանի թենիսի ֆեդերացիայի հետ:

III. ԺԱՄԿԵՏԸ ԵՎ ՎԱՅՐԸ

5. Մրցաշարը անց է կացվելու 2 փուլով՝ (1-ին փուլը՝ մարզային, 2-րդ փուլը՝ եզրափակիչ):

1) 1-ին փուլն անցկացվելու է մինչև փետրվարի 24-ն ընկած ժամանակահատվածում՝ Հայաստանի Հանրապետության մարզերում, Երևան քաղաքում և Արցախի Հանրապետությունում:

2) 2-րդ՝ եզրափակիչ փուլի Մրցաշարը անց է կացվելու մարտի 12-ից 13-ը՝ ՀՀ Կոտայքի մարզի Չարենցավան քաղաքում, ժամը 11:00-ից:

3) Մասնակիցները պետք է մրցավայր ներկայանան մրցումներից երեք ժամ առաջ՝ անձը հաստատող փաստաթղթերով:

IV. ՄՐՑՈՒՄՆԵՐԻ ՄԱՍՆԱԿԻՑՆԵՐԸ, ԾՐԱԳԻՐԸ, ԱՆՑԿԱՑՄԱՆ ՊԱՅՄԱՆՆԵՐԸ

5. Մրցաշարին կարող են մասնակցել ցանկություն ունեցող բոլոր քաղաքացիները, (սիրողական մարզիկներ, դպրոցականներ, ուսանողներ, պետական և մասնավոր ոլորտի աշխատողներ, միջազգային կազմակերպությունների և դեսպանատների ներկայացուցիչներ, օտարերկրացի զբոսաշրջիկներ), ովքեր չունեն առողջական խնդիրներ: Մրցաշարի ընթացքում առաջացած առողջական խնդիրների դեպքում պատասխանատվությունը կրում է մասնակիցը:

6. Մրցաշարին չեն կարող մասնակցել.

այն մարզիկները, ովքեր վերջին 5 տարիների ընթացքում մասնակցել են սեղանի թենիսի ՀՀ առաջնություններին և միջազգային մրցաշարերին, բուքմեյքերական գրասենյակների կողմից կազմակերպվող վճարովի խաղերի մասնակիցները:

ՀՀ մարզերում, Երևան քաղաքում և Արցախի Հանրապետությունում՝ ըստ տարիքային խմբերի 1-3 տեղերը գրաված մասնակիցների հայտերը (12 մասնակից) «ՀՀ Վարչապետի գավաթ» սիրողական սեղանի թենիսի մրցաշարի եզրափակիչ փուլին մասնակցելու համար ներկայացնել ՀՀ կրթության, գիտության, մշակույթի և սպորտի նախարարություն մինչև 2022 թվականի փետրվարի 24-ը՝ համաձայն կցված հայտի ձևի:

7. Մրցաշարը կանցկացվի 2 տարիքային խմբով, 2 փուլով՝

1) 1-ին փուլի մրցումները՝ Երևան քաղաքում, Հայաստանի Հանրապետության մարզերում և Արցախի Հանրապետությունում,

2) Մրցաշարի 2-րդ՝ եզրափակիչ փուլին մասնակցում են Հայաստանի Հանրապետության մարզերում, Երևան քաղաքում և Արցախի Հանրապետությունում ըստ տարիքային խմբերի 1-ից 3-րդ տեղեր գրաված տղամարդիկ և կանայք,

3) 1-ին տարիքային խումբ՝ 18-ից 35 տարեկան (1987-2004 թթ. ծնված) կանայք, 18-ից 40 տարեկան (1982-2004 թթ. ծնված) տղամարդիկ,

4) 2-րդ տարիքային խումբ՝ 36 (1986 թ. ծնված) և բարձր տարիքի կանայք, 41 (1981 թ. ծնված) և բարձր տարիքի տղամարդիկ,

5) Առանձին հաշվարկով մեկ տարիքային խմբով անցկացվելու է նաև մրցումներ՝ դեսպանատների ներկայացուցիչների, օտարերկրյա քաղաքացիների և զբոսաշրջիկների համար:

Մասնակիցները պետք է մրցավայր ներկայանան իրենց անձնական օակետներով:

8. Մրցաշարի եզրափակիչ փուլի անցկացման կարգն ու պայմանները որոշում է Նախարարության կողմից ստեղծված մրցավարական հանձնաժողովը, իսկ 1-ին փուլի անցկացման պայմանները որոշում են մարզպետարանները, Երևանի քաղաքապետարանը և Արցախի Հանրապետության կրթության, գիտության, մշակույթի և սպորտի նախարարության սպորտի համապատասխան վարչությունը:

1) հանդիպումները կանցկացվեն երեք (3) խաղափուլից: 1-ից 4-րդ տեղերի համար կխաղան հինգ (5) խաղափուլից,

2) Մրցաշարի անցկացման կարգն ու պայմանները որոշում է Նախարարության կողմից ստեղծված մրցավարական հանձնաժողովը,

3) Պահանջվող պայմաններին չհամապատասխանող մասնակիցների մասնակցությունը առաջնությանը չի թույլատրվելու:

V. ՊԱՐԳԵՎԱՏՐՈՒՄԸ

9. Մրցաշարին երկու տարիքային խմբերում 1-ին, 2-րդ և 3-րդ տեղերը գրաված մասնակիցները (տղամարդիկ և կանայք) պարգևատրվում են Նախարարության համապատասխան կարգի հավաստագրերով, գավաթներով, մեդալներով, իսկ 1-ից 20-րդ տեղեր գրաված մասնակիցները՝ դրամական մրցանակներով, դեսպանատների ներկայացուցիչներ, օտարերկրյա քաղաքացիները և զբոսաշրջիկները՝ հուշանվերներով և հավաստագրերով:

10. Մրցաշարի բոլոր մասնակիցներին տրվում են մարզաշապիկներ և հավաստագրեր: Արդյունքներն ամփոփվում են մրցումների ավարտից անմիջապես հետո:

VI. ԾԱԽՍԵՐԸ

11. Մրցաշարի անցկացման հետ կապված ծախսերը՝ մրցավարներին սնունդ, ճանապարհաձախս, պարգևավճար, մարզադահլիճի, ռադիոհանգույցի վարձակալում, մարզադահլիճի լուսային ձևավորում, մարզահագուստ (մարզաշապիկ՝ բոլոր մասնակիցներին և մրցավարներին), մասնակիցներին մասնակցության համարներ, գավաթներ, մեդալներ, բոլոր մասնակիցներին հավաստագրեր, շնորհակալագրեր, կաշվե թղթապանակներ, ծաղկեփնջեր, մասնակիցներին տեղում սնունդ, դրամական մրցանակներ երկու տարիքային խմբերի 1-ից 20-րդ տեղեր գրաված մասնակիցներին՝ 1-ին տեղ՝ 1.000.000 ՀՀ դրամ, 2-րդ տեղ՝ 600.000 ՀՀ դրամ, 3-րդ տեղ՝ 400.000 ՀՀ դրամ, 4-րդ տեղ՝ 150.000 ՀՀ դրամ, 5-րդ տեղ՝ 100.000 ՀՀ դրամ, 6-10-րդ տեղերը՝ 75.000 ՀՀ դրամ, 11-20-րդ տեղերը՝ 50.000 ՀՀ դրամ, հարկերը, տուրքերը և պարտադիր վճարները ներառված չեն, հուշանվերներ՝ պատվավոր հյուրերին, հաղորդավարի ծառայություն, գովազդային նյութերի պատրաստման, նկարահանման, ուղիղ եթերի ապահովում, մրցավարի ձևավորման, տրանսպորտային միջոցների ապահովում մարզագույքը տեղափոխելու համար, հավաստագրերով, շնորհակալագրերով և հուշանվերներով պարգևատրվում են նաև միջազգային կազմակերպությունների և դեսպանատների ներկայացուցիչներ, օտարերկրյա քաղաքացիների, զբոսաշրջիկների միջև անցկացվող մրցաշարի 1-ին, 2-րդ և 3-րդ տեղեր գրաված մասնակիցները (տղամարդիկ, կանայք), գրենական պիտույքների ծախսերը կատարվում է ՀՀ պետական բյուջեից հատկացված միջոցների հաշվին, մասնակիցների գործուղման ծախսերը (գիշերակաց, ճանապարհաձախս) հոգում է գործուղող կազմակերպությունը:

VII. ՀԱՅՏԵՐԸ

12. Մրցաշարին մասնակցության համար ներկայացվում է հայտ՝ համաձայն հավելված 2-ի, անձնագրի կամ նույնականացման վկայականի և մրցումներին մասնակցելու համար բժշկի թույլտվության պատճենները: Փաստաթղթերը ներկայացնել ՀՀ կրթության, գիտության, մշակույթի և սպորտի նախարարության սպորտի քաղաքականության վարչություն՝ մինչև 2022 թվականի փետրվարի 24-ը ներառյալ: Հարցերի դեպքում զանգահարել հետևյալ հեռախոսահամարներով՝ (010) 59-96-33, (010) 59-96-32 մասնագիտական հարցերի դեպքում զանգահարել (093) 59-41-30 երկուշաբթի-ուրբաթ օրերին՝ ժամը 9:00-18:00:

Հավելված № 2
ՀՀ կրթության, գիտության, մշակույթի և սպորտի նախարարի
2022 թվականի հունիսի 25-ի
№ 47 -ԱՄՀ հրամանի

«Հայաստանի Հանրապետության Վարչապետի գավաթ» սիրողական սեղանի թենիսի մրցաշարի հայտի
օրինակելի ձև

| № | Ազգանուն, անուն, հայրանուն | Ծննդյան թիվը | Անձնագիր, (սերիա, համար) | Բնակության վայրը, հասցեն | Հետախույզ համար |
|----|----------------------------|-----------------|--------------------------------|-----------------------------|--------------------|
| 1. | | | | | |
| 2. | | | | | |
| 3. | | | | | |